




haqiqati

No 33 (6598)A photograph showing three men in dark suits and ties seated at a polished wooden conference table. The man on the left is looking towards the center, the man in the middle is looking forward, and the man on the right is looking slightly to the side. There are water bottles and papers on the table. The background is a bright, modern interior with large windows and a potted plant.

расмий раҳбарлар бошчилигидаги делегация аъзолари Жиззахга тез-тез ташриф буюриб турди. Айни пайтда Жиззахда Россия Федерацияси билан ҳамкорликда йигирмадан ортиқ қўшма корхона фаолияти йўлга қўйилган.

Татаристон Республикасининг Қозон Федерал университетини ректори Ленар Сафин қабул учун вилоят раҳбари Улуғбек Мустафоевга миннатдорчилик билдириб, сўнгги йилларда Россия — Ўзбекистон ўртасидаги ўзаро манфаатлиқ ҳамкорлик сифат жиҳатдан янги босқичга кўтарилгани, бир вақтлари қишлоқ ҳўжалиги махсусотлари ва

Шерзод ЭГАМҚУЛОВ
олган сурат.

Юсуф САЙДАЛИЕВ
("Жиззах ҳақиқати")

A photograph showing four students in school uniforms (white shirts and dark green vests) standing in front of a bookshelf. They are all holding and looking at books. The bookshelf in the background is filled with various colorful books.

Ҳафиза ҚУДРАТОВА
Шароф Рашидов номли АКМ директори

САМАРАЛИ ҲАМКОРЛИК

Мулоқот давомида вилоят раҳбари хусусий клиникаларнинг аҳолига сифатли тиббий хизмат кўрсатишдаги ҳиссасини юқори баҳолар экан, улар тажрибасини

давлат тиббиёт муассасаларида ҳам жорий этиш зарурлигини таъкидлади. Вилоят раҳбари хусусий тиббиёт муассасаларини қўллаб-қувватлаш, фаолиятини янада ривож-

ВОХА БҮЙЛАБ

МАКТАБЛАРДА ЯНГИ БОҒЛАР



Ушбу бoғ нафакат мактаб атрофига гўзаллик бахш этади, балки ўқувчиларда экологик маданиятни шакллантириш ҳамда табиат билан бир бутун эканлигини ҳис этишда ҳам қатта маънога эга. Янги ташаббус ота-оналарнинг мактаб ҳаётида фол иштирок этишга ундаб, таълим муассасаси билан маҳалла ўртасидаги ҳамкорликни мустаҳкамлашга ҳизмат қилмоқда.

Шароф Рашидов туманидаги мактабгача ва мактаб таълими ташкилотларининг 65 фоизиди, яъни 47 та мактаб ва 8 та мактабгача таълим ташкилотида "Ота-оналар бoғ"лари ташкил этилди.

**ТАДБИРКОР
ТАШАББУСИ**



Тадбиркор йўлидан боришни хоҳлаган ёшлар унинг масла-
атларига амал қилиб, иш бошлашмоқда. "Пахтакор Дизайн
К" МЧЖ етиштираётган жўжа ва тухумлар тезда ўз хари-
рига эга бўлаяпти.

Тадбир доирасида талабаларга Зомин давлат кўриқхонасининг фаолияти, бу ерда учрайдиган ноёб ўсимлик ва ҳайвонот турлари ҳақида батафсил маълумот берилди. Экологик билимларни оширишга қаратилган висториналар, савол-жавоблар ҳам ўтказилди.

Асад МУСТАФОВ.
("Жиззах ҳақиқати")

ЭКОЛОГИК БИЛИМСИЗ МУАММОЛАР ҲАЛ БЎЛМАЙДИ

Шундай тадбир Экология, атроф-муҳитни муҳофаза қилиш ва иқлим ўзгариши вазирлиги Мухофаза этиладиган табиий ҳудудлар департаменти тасаруфидagi Зомин давлат қўқ-хонасида ташкил этилди. Тадбирда Қозон Федерал университетининг Жиззах филиали тиббиёт факультети талабалари ва Зомин давлат қўқхонаси ходимлари иштирок этидлар.



МИЛЛИЙ КАДРИЯТЛАР ФЕСТИВАЛИ

**“БАХМАЛ
ВОДИЙЛАРДА,
дИРЛАРДА БАҲОР...”**



Исмаилов. — Айниқса, нурунийлар, уюшмаган ёшлар кўтин-қизлар ва имконияти чекланган кишилар юз ўнликларида ҳам ватанпарварлик, шукроналик нафаси фўриб тургани яққол сезилиди.

Туман санъаткорлари иштирокидаги Наврӯз ва ёш
ликни мадҳ этувчи бадий концерт дастури фестивал
га кўтаринкилик, иштирокчиларга кувонч бағишлади

Шахноза ЮЛДАШЕВА
("Жиззах ҳақиқати")

МЕНИНГ МАҲАЛЛАМ, МЕНИНГ ТАҚДИРИМ

Хар бир хонадон, кўча ва маҳалла ободлиги йўлида масъулиятни зиммасига олиб, одамларни бир мақсад сари сафарбар қилаётган маҳалла раисларидан бири Рустам Даминовдир. Унинг Шароф Рашидов туманидаги “Қаҳрамон” маҳалла фуқаролар йиғини раиси сифатида иш бошлаганга кўп вақт бўлмади. Лекин каерда иш тўғри ташкил этилиб, фуқаролар билан яқин ҳамкорлик ўрнатилса, ўша ерда ҳамжиҳатлик, меҳр-оқибат муҳити ҳукм суришини ёш раҳбар ёнида юриб, унга қанот бўлаётган маҳалла эллиқбошиси Аҳмад бобо Яхшиликовдан кўп эшитган. “Маҳалла еттилиги” аъзолари ҳамкорликда ишни бошлаб, ободлик, фаровонлики таъминлашга астойдил бел боғладими, фаоллики, ҳаракатни ҳам шунга монанд тарзда олиб борилаётганига маҳалла идорасига борганимизда яна бир бор амин бўлдик. Турли масалаларда мурожаат қилиб келаётган фуқаролар, вилоят, туман ҳокимлиги тизимидаги корхона, ташкилотлар вакилларининг топшириқлар ижроси бўйича ташрифи кун давомида тўхтамади.

ТИНИБ-ТИНЧИМАЙДИГАН ҚАҲРАМОНЛИКЛАР

— Саъй-ҳаракатларимиз хайрли ва савобли ишларимизнинг бардавомлигига, ёшларимизнинг маънавияти ва тарбияси янада юксак бўлишига, миллий кадриятларимиз ривожига, халқимиз орасида ҳамжиҳатлик туйғулари мустаҳкамланишига пойдевор бўлиб хизмат қилаётганидан мамнунман, — дейди меҳнат фаҳрийси, маҳалла фаоли Аҳмад бобо Яхшиликов. — Мен, Сарвар Икромов ҳамда Карим Назаров сингари нурунийларнинг ҳар бирига маҳалладаги беш нафардан камбағал оилалар бириктирилган. Уларнинг турмуши, яшаши, фарзандларининг ўқиши, бандлиги, моддий таъминотидан ҳар ойда хабардор бўлиб тураимиз.

Қаҳрамон катта маҳалла, бу ерда 10600 нафардан зиёд аҳоли истиқомат қилади. Худудда 27 та юридик корхона, 19 нафар якка тартибдаги тадбиркор фаолият кўрсатади. Маҳалланинг асосий драйвери кўнatchилик ҳамда иссиқхона-томорқа хўжалиги ҳисобланади. Азал-азалдан деҳқончилик, боғдорчилик, томорқачиликда қаҳрамонлиқлар воҳада намунали маҳалла сифатида эътироф этилган. Ҳозир ҳам шундай. Маҳалла томон йўлинингиз тушса “яшил белбоғлар”, боғзорлар ва иссиқхоналарда етиштирилаётган сархил

қишлоқ хўжалиги экинларидан кўзингиз равshan тортади. Қаҳрамонлиқлар шунақа, бир қафт ерга чўп тикиб кўйса ҳам кўкartiриб олади.

Буйилги “Яшил макон” умуммиллий лойиҳасининг баҳорги мавсумида нурунийлар ташаббуси билан худуддаги “Қўшбармок” қабристонига 1000 тул, маҳалла худудидан ўтган Учтепа-Пахтакор автомобиль йўлининг чап томониға 800 тул манзарали, 500 тул мевали дарaxт кўчaтлари экилди. Иссиқхона барпо этган ҳам таъминланган оилаларнинг томорқачиларига 400 тул лимон кўчати тарқатилди.

“Аёллар дафтари”да рўйхатда турган 5 нафар хотин-қизга тадбиркорлик билан шуғулланиши учун кредит ажратилди. 15 нафар ижтимоий реестрда турган аёлларнинг уч нафари бепул тиббий кўрикдан ўтказилиб, соғлиғи тикланди. 2 нафар оиланинг уч нафар фарзандига тўғарак пуллари ёшлар етакчиси саъй-ҳаракати билан тўлаб берилди. “Маҳалла еттилиги” кенгаши қарорига кўра 2 нафар ижтимоий реестрда турган оилаларнинг уйи таъмирлаб бериладиган бўлинди. 10 нафар оғир тоифадаги фуқароларга тадбиркорлигини бошлаши учун автомобиль ювиш шохобчаларида асқотадиган

ускуналар, компьютер жамламаси, мотокультиватор, сартарошлик ускуна ва жиҳозлари берилди.

Жорий йилда маҳалладаги 11 та кўчага ҳашар усулида шағал ётқизилди. Қўшбармок, Дўстлик, Халқлар дўстлиги ҳамда Туркистон кўчаларида истиқомат қилувчи 2000 нафардан ортиқ аҳолининг ичимлик суви кувурлари янғисига алмаштирилди. Яқинда ўтказилган “Обод хонадон, обод кўча, обод маҳалла” кўрик-танловида Қаҳрамон маҳалласи Шароф Рашидов тумани шаънини муносиб ҳимоя қилиб, вилоятда беҳиж фахрли учинчи ўрinni кўлга киритмаганига гувоҳ бўлдик.

— Юрт тараққиёти маҳаладан бошланади, агар маҳаллада тинчлик бўлса, жамиятда оsoийшaтик бўлади, меҳр-оқибат устувор бўлса, халқ фаровон яшайди, — дейди “Қаҳрамон” МФЙ раиси Рустам Даминов. — Маҳалла ҳодимлари бу бирдамликнинг асосий пойдеворини яратувчилари ҳисобланади, десам янглишмайман.

Жорий йилда ҳоким ёрдамчиси ва маҳалла банкири тавсиясига кўра, 35 нафар фуқарога имтиёзли кредитлар ажратилди. Тўлғоной Бўронова бундан уч ой олдин турмуш ўртоғи Улуғбек билан маслаҳатлашиб, оилавий тадбир-

корлик қилиш ниятида маҳаллага бириктирилган ҳоким ёрдамчиси Сардор Бобобековга мурожаат қилди. Маҳалла худудидаги ташландиқ жой қисқа фурсатда текисланиб, у ерга тоза тулпроқ ётқизилиб, бинийидек уч сотихдан 4 та иссиқхона барпо этилди. Имтиёзли кредит ҳисобига томорқачи бу ерга 8 турдаги гул ҳамда помидор, бўлғор қалампири, бақлажон уруғини экди.

— Энди уйда ўтиролмайман, гулларим, кўчатларим ёнига тезроқ ошиқа-

ман, — дейди Тўлғоной Бўронова. — Кредитларни ўз вақтида ёпиб бораёяман, тўғриси, ҳаммаси тушга ўхшайди. Оилавий тадбиркор сифатида, бир оддий камбағал оила бекасининг оёққа туриб кетиши учун камарбаста бўлган муҳтарам Президентимизнинг мен каби аёлларга, оилаларга кўрсатган алоҳида имтиёз ва ғамхўрликлари учун миннатдорман.

Айни пайтда иссиқхоналарда 200 минг тул кўчатлар етиштирилиб, пешма-пеш харидорларга, ички бозорга етказилмоқда. Тўлғонойга томорқа ишларида қизи Севинч ҳамда ўғли Асилбек ўқишдан бўш вақтда кўмак бераёттир. Оилавий тадбиркор яна иккита оила бекасини ҳам иш билан таъминлади.

Тўлқин Расулов ўттиз тўрт ёшда. Етти йил умри Санкт-Петербург шаҳрида ўтди. Шу йил февралда мигрант ўз юртига, жонажон оиласи бағрига қайтди. Айни пайтда у металл дарвоза ясаб, ўзини ўзи банд қилган. Субсидия асосида пайвандлаш ускунаси олиш учун маҳалла раисига мурожаат қилган Тўлқинжон ўкаси Тоиржон билан янги лойиҳа устида бош қотирмоқда.

Кўксарой кўчасида истиқомат қилувчи камтарин, камсуқум, содда, меҳ-



наткаш Сайёра опа Мирзаева бирпасда машхур бўлди. Тўрт фарзандни уйли-жойли қилиб, 16 нафар набира, 4 нафар эвара ардоғида Нормуҳаммад бобо билан умргузаронлик қилаётган опа етмиш ёшда ҳам тиним билмайди. Сайёра опа шунча ғайрат, кучни қаердан оларкан, деб ҳавасла боққанлар ҳам кўп бўлди. Эрта тонгдан кўёш ботар маҳалгалча, саратоннинг иссиғидан қишнинг қаҳратонида ҳам, йил ўн икки ой ҳар бир тул дарaxт, ниҳол, гул ғўнчаларини кўпайтириш, чорва, паррандаларни парваришлашга вақт топади.

— Дарaxт экиш ва уни парваришлашни мажбурий эмас, кадрият сифатида қабул қилайлик, токи биздан фарзандларимизга обод, яшилликка бурканган гўзал Ватан мерос қолсин, — дейди Сайёра Мирзаева.

Имтиёзли кредит олган оилавий тадбиркор ҳовлисида 200 бош товۇқ ҳам парвариш қилаёттир. Кузга бориб тадбиркор опа товуклар бош сонини яна 200 бошга етказмоқчи. Кўнига туҳум

ички бозорга сотувга чиқарилмоқда. Йил давомида оилавий тадбиркор боғдорчиликдан 10 миллион, чорвачиликдан 20 миллион, паррандачиликдан 43 миллион сўм даромад топаёпти. Тадбиркор кам таъминланган оилалар, мактабгача таълим ташкилотлари, шифохоналарга, кўни-қўшниларга ҳам етиштирилган маҳсулотлар ва мевалардан улашишни қанда қилмайди.

Қўтаринчилиқни, кўнғилга яйратувчи ва яшнатувчи ҳисни улашувчи инсонлар Қаҳрамон маҳалласида жуда кўп экан. Гуллардан, яшилликдан куч-қувват олиб, гўзалликдан яшараётган қаҳрамонлиқлар бугун ўз меҳнати билан тўқис бахтга эришаётган ва ўтаётган кўнига шукроналар билдиришдан, инсон қадри, ҳалол касби улуғланаётган юрtda эъзоз топаётганидан миннатдорлар.

Зоир ЭРҒАШЕВ.
("Жиззах ҳақиқати")

Шерзод ЭҒАМКУЛОВ олган суратлар.

22 апрель — Халқаро Ер куни



Инглиз ёзувчиси Артур Конан Дойлнинг “Йўқолган дунё” асарида шундай парча бор: ер бағрини ўйиб қираётган бурғулаш ускунаси таққа тўхтайдди. Ер қаъридан шундай бир нидо отилиб чиқадики, эшитганлар тиззаларига чўкиб қоладилар. Она ер нидоси унинг бағрини чок қилаётган, маъдан излаш иштиёқидagi инсонларни тўхташга ундайди.

Албатта, фантастик жанрда ёзилган бу асарда Ернинг тикуюмояга муҳтожлиги, унинг “оғирқарвон” ҳамда бағрикенг эканлиги исталган ҳаракатни амалга ошириш мумкин, дегани эмаслиги ҳақида бонг ури-

лади. Адабиётнинг вазифаси авлодларда маънавият ва муҳаббат туйғуларини тарбиялаш экан, она Ерга нисбатан ҳурмат уйғотиш ҳам унинг оғриқли мавзуларидан бири.

Момоларимиз бизга “Иссиқ

сувни ерга тўкма. Ўт-ўланлардан тозалаб, ернинг бетини “очиб кўй” деб кўп ўргатишарди. Кейин билдимки, иссиқ сувни тўкиш жонли ва доимий ҳаракатда бўлган Ер сайёрасига озор беришга тенг экан. Кексалар Ерни кишилари тўйдирувчи, кийинтирувчи, битмас-туганмас ризқ манбаи сифатида эъзозлаганлар. Ўт-ўланлардан тозаланган ер нафас олиб, чиройи очилади, деган фикр аслида ҳовли, томорқаларни ораста сақлаш маъносига эга бўлган.

22 апрель — Ер куни бизнинг галактикамизда ҳаёт мавжуд бўлган ягона сайёрани асраб-авайлаш, унинг ҳаётимиздаги аҳамиятини тарғиб қилишга қаратилган сана. БМТнинг собиқ Бош қотиби Ву Тан 1971 йил сўзлаган нутқида “Бизнинг гўзал космик кемамиз — Ер сайёраси, совуқ фазонинг ўртасида учиб юрадиган ва ҳаётнинг заиф юки билан айланадиган она заминда фақат тинч ва қувончли кўнлар бўлсин” деган эди. Афуски, шундан буён ҳам сайёрамизнинг турли нуқталарида уруш оловлари ёқилиб, вайронагарчиликлар давом этмоқда.

Ер куни бугунги кунда ўзини экологик ва антропологик хусусиятларидан кенгроқ кўламага чиқиб, инсонпарварлик, тинчлик учун кураш мақсадларини ҳам ифодаламоқда. Масалан, шу куни дунёнинг кўплаб ривожланган жамиятларида тинчлик намойишлари, Ер сайёрасида яшовчи барчанинг тенг ҳуқуқлилиги ҳамда биродарлигини ифодаловчи тадбирлар ўтказилади.

Халқаро ер куни 2009 йилда БМТ Бош ассамблеяси томонидан таъсис этилди. Ер ҳаётининг тўрт асосий унсуридан бири эканлиги сабабли унга ҳурмат ва муҳаббат уйғотишга хизмат қилувчи тадбирлар экология, тинчликпарвар ва фуқаролик ташкилотлари томонидан йилнинг бошқа вақтларида ҳам нишонлана бошланди.

Маълумотларга кўра, Жиззах вилоятида сўнги беш йилда 81,9 минг гектар, жумладан, 70,9 минг гектар лалми яйлов ер майдонлари ўзлаштирилди. 11 минг гектар сувли ерлар қишлоқ хўжалигида қайта фойдаланишга киритилди. Боғлар майдони 6 баробар кўпайиб, 32,5 минг гектарга, узумзорлар

9 баробар ошиб, 15,5 минг гектарга етди. Рақамлардан ҳам кўриниб турибдики, инсоннинг табиатга ғамхўрлиги унинг ўзига бир неча баробар ризқ-рўз бўлиб қайтади.

Дарҳақиқат, Ер ризқ манбаи, бизнинг ягона ватанимиз бўлиши билан бирга ўзининг тортиш кучи билан чексиз фазога сочилиб кетмаслигини таъминлаб туради. Халқаро Ер куни муносабати билан университетимизда ҳам атроф-муҳитни муҳофаза қилиш, ер ресурсларидан оқилона фойдаланиш, тинчлик-тотувлиқни асраш мавзуларида давра суҳбатлари, тадбирлар ташкил этилади. Университет боғига “Яшил макон” лойиҳаси доирасида қаралган ниҳоллар сафи кўпайтирилади ҳамда мавжудларни сугорилди. Сана моҳияти тарбиявий, экологик, фалсафий ва маданий мазмун касб этиши боис ҳар бир факультетда ўзига хос тарзда нишонланади.

Раъно НОРБЕКОВА,
ЖДПУ инглиз тили амалиёти кафедраси доценти
вазифасини бажарувчи.



надонимизда ҳеч уруш-жанжал бўлмаган, турмуш ўртоғим овқатларим, пиширганларимни мактаб, рағбатлантирганларим учун балки шу ишни эплаб кетгандирман, деб ўйлайман. “Уйда ҳамма нарсани пишира олсанг, сомса, кабоб қўлннгдан келса, чойхонада нима қиламан”, деб уйга шошадим доим. Қийинчиликлар ҳамманинг ҳаётида бўлади, мен ўзимга ишонганим учун уларни енгиб ўтганман.

Холниса РАҲМОНҚУЛОВА.
("Жиззах ҳақиқати")

ХОТИН-ҚИЗЛАР ТАДБИРКОРЛИГИ

Ҳалол меҳнатим — умрим зийнати

Юртимизда хотин-қизлар тадбиркорлигига берилаётган эътибор сабаб аёлларимиз бу соҳага дадил кириб боришаёттир. Кичик бўлса-да, ўз тадбиркорлигини йўлга қўётган, кўплаб шоғирдлар тарбиялаб, хунарини элга ёёётган ишбилармон опасингилларимизни кўплаб учратиш мумкин.

Севара Алматова 1988 йилда Шароф Рашидов туманидаги Ёшлик маҳалласида туғилган. Мактабни тамомлагач, Жиззах шаҳридаги “Машхура” ўқув марказида тикувчилик йўналишида ўқиди. Гуруҳда ширинлиқлар тайёрлаш йўналишида ўқийдиган қизлар ҳам бўлиб, улардан дарсда ўтганларини эшитар, уйга келиб ўша ширинлиқларни пишириб кўрарди. Телевизорда кўрганларини тайёрлар, бировдан сўраб бўлса-да ўрганарди. 2005-2006 йилларда тикувчилик йўналишида анча шоғирдлар тайёрлади. Улар турмуш қуриш арафасида турган қизлар эди. Ўша пайтларда келинлар учун сарпо кўпрок зардўзликдан тикиларди. Тўйларга зардўзлик бўюмлари учун ҳам буюртмалар оларди, бозорга тиккан маҳсулотларини чиқарарди. Севара ўзи мустақил тадбиркорлик фаолиятига қўл уришни орзу қиларди.

Турмушга чиққач, турли ширинлиқлар,

сомса ва салатлар қилишни мукаммал ўрганишга бел боғлади. Пиширганлари қайнона-қайнотаси, турмуш ўртоғига ёқа бошлагач, бу унга куч ва туртки берди. Секин-аста қариндош-уруғларига бемалол буюртмага турли озиқ-овқат маҳсулотлари тайёрлай бошлади.

— Шу хунаримнинг ортидан ҳеч қачон бировнинг қўлига қараб, зориқиб қолган жойимиз бўлмади, — дейди тадбиркор. — Уйда ўтирадиган аёлларимиз ҳам нималарнидир билишади. Вақти келганида, шу малакасини ишга солишлари керак. Ҳеч бўлмаса, патирами, номни ё холодецми пишириш, кийим тикиб сотиш кўлларидан келади. Сигири бўлса, сут-қатиқ увитиб сотса бўлади. Шу ҳовлини курган пайтларимизда нон қилиб сотганман. У пайтларда тандирим йўқ эди, печда пиширганман. Балиқ димлардим, бозорга ҳам топшириб келардим. Атрофимиздагилар сотиб олишган, дўконча юритганман. Банка ёпиш

мавсумида банка ёпиб сотардим, ҳозир ҳам ёпиб берамиз. Булар хотин-қизларимизнинг қўлидан келадиган оддий ишлар. Ҳамма гап ҳаракатда, унда барака бор. Опа-сингилларимиз “мен буни юргизолмайман, сотилмади”, деб ўтирмаслиги керак. Бугун ишлари юришмас, эрта юришмас, индин албатта, юришиб кетади.

Бугунги кунда Севара турмуш ўртоғи Олимжон билан икки қиз, икки ўғилни вояга етказмоқда. Ўзи ният қилган тадбиркорлигини йўлга қўйди. Нафақат тўйлар учун буюртмага сомса, салат ва ширинлиқлар пиширади, балки ярим тайёр маҳсулотлар — чучвара, сомса хамирларини сотувга чиқармоқда. Ҳозирда 2-3 нафар унга ёрдам берадиган ишчилари бор. Бундан ташқари, қизлари ҳам оналарига кўмаклашади. Ўтган йили 30 миллиондан ортиқ маблаг ишлаб топди, уйининг кам-қўстига сарфлади.

— Рўзгор қачонки эр-хотин бирга-бирга қадам ташласа, шундагина бут бўлади, — дейди у. — Бизга қараб фарзандларимиз ҳам рўзгор тутишни ўрганишяпти. Пишир-қуйдирга ўқув аслида онамдан ўтган, улар пазанда эди, болалигимизда байрам дастурхонларини жуда чиройли безарди. Хо-

Суд ҳукмига асосан
Лочин БЕК тайёрлади.



Besh tashabbus — Bosh tashabbus



IMOM MOTURIDIY TAVALLUDINING 1155 YILLIGIGA

RUSHDI HIDOYATGA BOSHLOVCHI IMOM

Abu Mansur Muhammad ibn Mahmud al-Hanafiy al-Moturiy as-Samarqandiy islomiy imlarning yetuk sohibi sifatida buyuk tarixchi, yozuvchi va shoirlar asarlarida katta ehtirom bilan tilga olingan allomadir. U islom dinidagi sunniylarning to'rtta mazhabi asoschilarining mavjud barcha manbalarini chuqur o'rganib, fiqh, kalom ilmiga oid asarlari bilan musulmonlar tarixida o'chmas iz qoldirgan. Jumladan, "Ma hazi ash-shari'a" (Shariat asoslari sarasi), "Kitab al-jadal" dialektika haqida kitob, "Kitab al-usul" (diniy ta'limot usuli kitobi), "Kitab at-Tavhid" kabi asarlari bilan islom ta'limotining ulug'lanishiga katta hissa qo'shgan.

Taniqli muarrix al-Kafaviy yozishicha, Imom al-Moturiy o'z zamonasidayoq ma'rifat peshvolari orasida "Imom al-Huda" — Rushdi hidoyatga boshlovchi imom, "Qudvat ahl as-sunna val ihtido" — Sunnat va hidoyat ahliga ibrat zot, "Xurofot va bid'atga botgan uydirmalarni ildizi bilan qo'poruvchi, barcha mutakallimlarning imomi" kabi taxalluslar bilan mashhur bo'lgan. So'z mulkingning sultoni Alisher Navoiyning "Nasoyim ul-muhabbat" asarida "Shayx Abu Mansur al-Moturiy o'z zamonining a'lam ulamosi ermish. Ul vaqt ulamosi alarni "Sulton ul-muizzin" dermishlar Zohir va botin ulumlari bila orosta ermishlar...", deya e'tirof etilgan.

1999-yilda O'zbekiston Respublikasi Vazirlar Mahkamasining "Imom Abu Mansur al-Moturiy davlatining 1130 yilligini nishonlash to'g'risida"gi qarori ijrosini ta'minlash maqsadida allomaning hayoti, faoliyati va ijodiy merosini chuqur o'rganish, keng omмага tanitish, targ'ib etish ishlari olib borilgan edi. Ayni kunlarda ham O'zbekiston Respublikasi Prezidentining joriy yil 14-martdagi "Imom Moturiy davlatining 1155 yilligini keng nishonlash to'g'risida"gi Qarori ijrosi yuzasidan bir qator tashkiliy va ma'rifiy ishlar boshlab yuborildi. Jumladan, viloyat hokimligining Jamoat va diniy tashkilotlar bilan aloqalar bo'yicha kotibiyati tomonidan Zomin tumanidagi "Ma'rifatli" jome masjidida hamda

G'allaorol tumanidagi "Nurul Islom" jome masjidida shu mavzuga qaratilgan davra suhbatlari o'tkazildi.

— Biz islom ta'limotida teran fikrlay olguvchi, o'zining ilmiy va diniy keng qarashlariga, komillik fazilatlariga ega yoshlarni tarbiyalash uchun ulkan va sharafli ma'naviy merosga ega xalqmiz, — deydi "Ma'rifati" jome masjidi imom-xatibi Ravshan Abrorov. — Biroq ba'zi yoshlar diniy tushunchalari sayoz bo'lganligi oqibatida badniyat kishilarning noqonuniy harakatlarida ishtirok etib, buzg'unchi g'oyalari ta'siriga tushib qolishmoqda. Kelajak avlod vakillarini Imom Moturiy asarlaridagi hayotbaxsh g'oyalardan xabardor etish bu kabi holatlarning oldini olishda muhim ahamiyatga ega.

Darhaqiqat, buyuk mutakallim Imom Moturiy yashagan davr IX asr oxiri, X asr boshlarida islom dunyosining qator o'liklarida diniy mutaassiblar va buzg'unchi guruhlarining imon-e'tiqod mavzularidagi noto'g'ri talqinlaridan musulmonlar aziyat chekib, turli muammolar girdobida qolishgan edi. Shunday murakkab vaziyatda Imom Moturiy islom dinining asl mazmun-mohiyatiga



mos keladigan ulug'vor ta'limot bilan xalqni sog'lom fikrlashga undab, musulmonlarni aqidasi bir-biriga zid bo'lgan buzg'unchi, fosiq nazarlardan saqlashga urindi. Alloma e'tiqod masalalariga bir tomonlama yondashib, xato talqin qilishlik zalolatidan o'zga musibat emasligini, inson o'z harakatlari oldida mas'ul-ligini, zotan, idrok va tafakkur etish, ruhan yuksalish sifat-lari, ne'matlari odamga nasib etilganligini o'z g'oyalari-da ilgari surgan.

Ta'kidlash joizki, donishmand, ulug' ajdodlarimizning ma'naviy meroslarini qunt bilan o'rganish, hurmat bilan targ'ib etish kelajak avlod vakillariga ilmga yo'g'rilgan eng afzal manzillarni taqdim etishi shubhasiz. Shunday ezuq maqsadlar bilan Imom Moturiy davlatining 1155 yilligiga bag'ishlangan ma'rifiy tadbirlar joylardagi axborot-kutubxona markazlarida, oliy ta'lim muassasalarida o'tkazilishi davom etmoqda.

Gulchehra XIDIROVA.
(“Jizzax haqiqati”)

Osioy kubogi U-17

Saudiya Arabistonida bo'lib o'tayotgan U-17 Osioy kubogi musobaqasining yarim final bahslari yakuniga yetdi. O'zbekiston terma jamoasi KXDR terma jamoasi bilan kuch sinashib, yirik 3:0 hisobida zafar quchdi.

O'smirlarimiz finalda



Uchrashuvning 31-daqiqasida Sadriddin Hasanov hisobni ochdi. Oradan 10 daqiqa o'tgach, koreyalik futbolchi qo'pol o'yin ko'r-satib, qizil kartochka oldi va raqiblarimiz bir kishi kam bo'lib o'ynay boshladi. Ustunlikka erishgan futbolchilarimiz shiddatli hujumlarni davom ettirishdi. Ammo hisob o'zgarmay qoldi.

Ikkinchi bo'limning 62-daqiqasida Jamshidbek Rustamov kuchli zarba bilan raqib darvozasini aniq nishonga oldi. Oradan 3 daqiqa o'tib Abubakir Shukurullayev koreyaliklar darvozasiga navbatdagi to'pni kiritdi va hisobdagi farqni yiriklashtirib qo'ydi. Vakillarimiz ushbu g'alabadan so'ng finalga yo'l oldilar.

Ikkinchi yarim final bellashuvida Saudiya Arabistoni o'smirlar terma jamoasi dramatik tarzda g'alabaga erishib, Janubiy Koreyani penaltilar seriyasida 3:1 hisobida mag'lub etdi va finalga yo'l oldi.

20-aprel kuni finalda O'zbekiston terma jamoasi musobaqa mezboni Saudiya Arabistoni bilan kuch sinashadi.

V.G'AYBULLAYEV.
(“Jizzax haqiqati”)

Kadrlar uchun katta imkoniyat

An'anaviy ta'limda o'quvchi-talabalarga dars berishda asosiy e'tibor nazariyaga qaratilib, amaliyotga kam vaqt ajratiladi. Tabiiyki, buning ortidan o'qishni bitirib endigina ish faoliyatini boshlagan kadrlar qator muammolari boshdan kechirishadi.

Ana shunday vaziyatlarning oldini olish maqsadida dunyo davlatlarining ta'lim tizimi o'rganilib, o'qish bilan bir vaqtda korxona, tashkilotlarda ish faoliyatini olib borish imkoniyatini beruvchi dual ta'lim shakli milliy ta'lim tizimiga kiritildi.

Bu borada G'allaorol tumanida joylashgan 1-sonli politexnikumda tizimli ishlar amalga oshirilmogda.

Xususan, politexnikumda "Suv xo'jaligi avtomatlashtirilgan tizimi operatori ustasi" yo'nalishiga o'quvchilar dual ta'lim shaklida qabul qilinmogda. Jizzax bosh nasos stansiyasi bilan 3+3 shaklida shartnoma imzolalanib, hozirda talabalar nazariy bilim olish bilan birga amaliyotda, haqiqiy ish jarayonida toblanishmogda. Buning natijasida, albatta, yoshlarning o'z kasbiga bo'lgan mas'uliyati va ishtiyoqi oshadi.

Shuningdek, politexnikum va tuman-da faoliyat ko'rsatib kelayotgan ishlab chiqarish korxonalari o'rtasida dual ta'limda o'qitish hamda kunduzgi ta'limda o'qiyotgan yoshlarni ish bilan ta'minlash bo'yicha shartnomalar imzolandi. Ma'lumki, Prezidentimiz tomonidan G'allaorol tumanining lalmikor hududi sanoat zonasi deb e'lon qilindi. Mazkur zonada bunyod etilayotgan 5 ta loyiha bilan, bundan tashqari, Ozarbayjon va Qo-

zog'iston davlatlaridagi ta'lim muassasalari bilan hamkorlik memorandumlari tuzildi.

Yuqoridagi istiqbolli rejalarga binoan 2025-2026-o'quv yilida 200 nafar o'quvchi uchun qabul e'lon qilindi. Hozirda yoshlarni dual va kunduzgi ta'limga jalb qilish uchun targ'ibot ishlari olib borilmoqda.

Mazkur ta'limdan maqsad, iqtisodiyotning barcha sohalarida malakali va zamonaviy kasbiy ko'nikmalarga ega bo'lgan o'rta bo'g'in kadrlarini tayyorlash hamda yoshlarning kasblar va mutaxassislarni egallashga bo'lgan qiziqishlarini oshirish yo'lida keng imkoniyatlar yaratish. Aytib o'tganimdek, ushbu tizimda yoshlar ta'lim olish bilan birga haqiqiy ish joyida o'z kasbiy ko'nikmalarini rivojlantirishadi.

Nigora ABDUSATTAROVA,
G'allaorol tumanidagi 1-sonli politexnikum direktori.

TEKNOLOGIYA

To'rt tilli mobil ilova yaratildi

Jizzax politexnika instituti professor-o'qituvchilari tomonidan to'qimachilik atamalariga oid mobil ilova yaratildi. Ilova o'zbek, rus, ingliz va nemis tillaridagi izohli lug'atni o'z ichiga olgan. Unda to'qimachilik materiallari va texnologiyasiga oid 1500 dan ziyod keng ishlatiladigan atama va iboralar joy olgan.

Mobil ilova institutning "To'qimachilik mahsulotlari texnologiyasi" kafedrasida faoliyat ko'rsatuvchi texnika fanlari nomzodi, professor Erkin Alimbayevning "To'qimachilik materiallari va texnologiyasidan izohli lug'at" kitobining elektron ko'rinishi hisoblanadi. Lug'atda atamalar va iboralar izohlangan, sharh bilan birga sohaga oid rasm va chizmalar keltirilgan.

Ushbu qimmatli manbadan soha o'qituvchilari, talabalar, magistr va doktorantlar, ilmiy tadqiqot olib borayotgan mustaqil izlanuvchilar, shuningdek, ishlab chiqarish korxonalari marketolog va muhandislari samarali foydalanishmogda.

Mobil quirlamalardan ta'limda foydalanish imkoniyatlari ham kengayib bormogda. Zamon talabi o'laroq, kitob shaklidagi katta hajmli lug'atlarni doim olib yurishning noqulayligini inobatga olgan holda ularning elektron shakli ancha qulay va samaralidir.

Matluba DONIYOROVA,
Jizzax politexnika institutining "To'qimachilik mahsulotlari texnologiyasi" kafedrası dotsenti, texnika fanlari nomzodi.

SHAXMAT FESTIVALI

Yaqinda viloyat maktabgacha va maktab ta'limi boshqarmasi tomonidan maktabgacha ta'lim tashkilotlari tarbiyalanuvchilari o'rtasida "Shaxmat festivali" musobaqasining shahar bosqichi bo'lib o'tdi. Unda hududdagi 28 ta DMTTning 5-7 yoshli tarbiyalanuvchilari ishtirok etdi.

Jajji havaskorlar bellashuvi

O'g'il bolalar o'rtasida chempionlikni 18-sonli DMTT tarbiyalanuvchisi Akobir Abdulahadov qo'lga kiritdi. 2-o'rin 8-sonli DMTT tarbiyalanuvchisi Mironshoh Xasanovga nasib etgan bo'lsa, 3-pog'onadan 32-sonli DMTT tarbiyalanuvchisi Mirolim Xolbekov joy oldi.

Bo'lajak grossmeysterlarni tarbiyalab berishni maqsad qilgan ushbu "Shaxmat festivali"ning viloyat bosqichi 24-aprelda bo'lib o'tishi rejalashtirilgan.

O'g'ilimdagi shaxmatga bo'lgan qiziqish oilaviy muhit samarasi o'laroq shakllangan, — deydi jajji chempion Akobir Abdulahadovning onasi Marhobo G'aniyeva. — Bog'chadagi mashg'ulotlari tugashi bilanoq u mahalladagi shaxmat to'garigiga shoshiladi. Bola bo'lsa-da bir qator mahalliy musobaqalarda faol ishtirok etyapti. Bo'sh vaqtini bekor o'tkazmasdan deb uni shaxmatga berganmiz. Hali maktab yoshiga yetmay turib,



qo'lidan telefon tushmaydigan bolalarni ko'rsam, afsuslanib ketaman. Farzandlarimizni erta yoshidanoq sportga qiziqitirsak, bo'sh vaqtlarini mazmunli o'tkazishlari uchun sharoit yaratib bersak, kelajakda albatta, bularning mevasini ko'ramiz.

Bu kabi shaxmat musobaqalarini o'tkazishdan asosiy maqsad — maktabgacha ta'lim tashkilotlari tarbiyalanuvchilarining shaxmat sport turiga qiziqishlarini yanada oshirish, ularning aqliy va ijodiy salohiyatini rivojlantirishdan iborat.

Yusuf SAYDALIYEV.
(“Jizzax haqiqati”)

HARBIY-VATANPARVARLIK TADBIRLARI

Yoshlarga g'oya berib

Yoshlarda vatanparvarlik tuyg'u-sini kuchaytirish, harbiylik kasbiga bo'lgan qiziqishini shakllantirish maqsadida DXK Chegara qo'shinlariga qarashli harbiy qism va O'zbekiston Yoshlar ittifoqi Jizzax viloyat kengashi hamkorligida 2025-yil chiqaruvdagi muddatli harbiy xizmatchilar bilan harbiy qismda "Vatan taraqqiyotiga mening hissam", "Mardlar qo'riqlaydi Vatanni" mavzularida motivatsion uchrashuv o'tkazildi.

Tadbirida so'zga chiqqanlar Vatan muqaddasligi, uni ko'z qorachig'idek asrab-avaylash, O'zbekistonga sadoqat bilan xizmat qilish barchamiz uchun sharafli burch ekanligi haqida so'z yuritdilar. Buyuk bobokalonlarimiz Jaloiddin Manguberdi va sohibqiron Amir Temurning qahramonliklari to'g'risida so'zlashdi, 2000-yilda Surxondaryo viloyatining Sariosiyo va Uzun tumanlarida davlatimiz sarhadlarini buzib kirgan terrorchilarga qarshi kurashib mardonavor halok bo'lgan harbiylar yodga olindi. Uchrashuv davomida muddatli harbiy xizmatchilarni qiziqitirgan savollarga mutaxassislar tomonidan javoblar berildi.

Sohibqiron Amir Temur tavalludining 689 yilligi munosabati bilan viloyatimizda qator tadbirlar tashkil etilayotir.

“Temur tuzuklari” bilimdoni

O'zbekiston Yoshlar ittifoqi viloyat kengashi, Sharof Rashidov nomidagi viloyat axborot-kutubxona markazi, O'zbekiston Yozuvchilar uyushmasi viloyat bo'limi hamkorligida viloyatdagi harbiy qism va muassasalardagi yosh harbiy xizmatchilar hamda xodimlar o'rtasida "Temur tuzuklari" bilimdoni" tanlovining viloyat bosqichi o'tkazildi.

tanlovining O'zbekiston Respublikasi Mudofaa vazirligiga qarashli harbiy qismlar, viloyat Favqulodda vaziyatlar, Milliy gvardiya, Bojxona boshqarmalari, DXK Chegara qo'shinlaridan va Mudofaa ishlari huzuridagi chaqiriluvchilarni harbiy-texnik mutaxassislari bo'yicha tayyorlash markazi kursantlaridan 14 nafar ishtirokchi nizomga ko'ra savol-javob va "My test" dasturi orqali test



sinovlari yechish bo'yicha o'zaro bellashdilar. Ishtirokchilar o'zlarining bilim darajasi, iq-tidorlarini namoyish etishdi. Natijalarga ko'ra, 1-o'rinni DXK Chegara qo'shinlariga qarashli harbiy qism harbiy xizmatchisi Bahrom Latifboyev, 2-o'rinni DXK Chegara qo'shinlariga qarashli harbiy qism harbiy xizmatchisi Jahongir Abdullayev, 3-o'rinni viloyat Bojxona boshqarmasi xodimi Shahzod Abdumanonovlar qo'lga kiritdi. G'oliblarga O'zbekiston Yoshlar ittifoqi viloyat kengashining diplom va esdalik sovg'alari topshirildi.

Rahmonjon ACHILOV,
O'zbekiston Yoshlar ittifoqi viloyat kengashi bo'lim boshlig'i, podpolkovnik.

Bildiruv va e'lonlar

“Yoshlar — kelajagimiz” jamg'armasi Ku-zatuv Kengashining 2025-yil 28-yanvardagi 01-03/123-sonli qaroriga asosan “Yoshlar — kelajagimiz” jamg'armasining Do'stlik tuman filiali Jizzax viloyati filialiga qo'shish yo'li bilan qayta tashkil etilayotgani hamda tuman filialiga tegishli bo'lgan Jizzax viloyati adliya boshqarmasi tomonidan 2018-yil 26-iyulda berilgan 186-sonli guvohnomasi va nizomi yo'qolganligi sababli **bekor qilindi**.

Da'vo, ariza va e'tirozlar e'lon chiqqan kundan boshlab ikki oy muddat ichida **Jizzax shahri, Sharof Rashidov ko'chasi, 64-uy (Kibersport arena)** majmuasida qabul qilinadi.

MUASSISLAR:
Xalq deputatlari viloyat Kengashi va viloyat hokimligi

Jizzax viloyati matbuot va axborot boshqarmasidan 2018-yil 7-dekabrda 06-038 raqami bilan ro'yxatdan o'tgan.

ISSN 2010 7730. Qog'oz bichimi A-2, hajmi 2 bosma taboq. Guvohnoma № 14-2588

QABULXONA — (72) 226-40-65.

XATLAR — (72) 226-18-10, REKLAMA va E'LONLAR — (72) 226-18-10.

Navbatchi muharrir: M.SAPAROVA.

Gazeta operatorlari: A.NORBOYEV, D.SADIROV.

Musahhih: B.HAMIDOVA.

Tahririyat besh qog'oz hajmgacha bo'lgan qo'lyozmalarni qabul qiladi. Qo'lyozmalar taqriz qilinmaydi va muallifga qaytarilmaydi. Reklama va e'lonlar matni uchun tahririyat javobgar emas.

— tijorat materiallari

Gazeta "ERUDIT" MCHJ bosmaxonasida chop etiladi. Korxona manzili: Samarqand shahri, Spitamen ko'chasi, 270-uy.

Shartnoma bo'yicha topshirish vaqti — 17.00. Topshirildi — 16.30

Buyurtma № 218

Adadi: 9649 nusxa.

Sotuvda kelishilgan narxda.

https://t.me/jizzaxnews_press